

職方典第六百五十一卷

江南總部彙考三

江南兵制考

通志

鎮守江寧等處將軍一員駐劄江寧府自

皇清定鼎以來初設駐防左翼四旗設立昂邦章京一員統轄滿兵康熙元年改今制二十二年添

設右翼四旗

副都統員順治十八年添設

協領八員額設四員二十二年添設四員

佐領五十六員額設二十八員康熙十三年添設一十二員二十二年又添一十六員

驍

騎校五十六員順治十六年設立二十八員康熙十三年添一十二員二十二年又添一十六

員 防禦五十六員康熙九年設立十二員二十二年添設四十四員 馬兵四千名步

兵一千名戰馬四千匹

鎮守京口等處將軍一員駐劄鎮江府順治十六年設立

副都統二員

協領八員

參領八員 防禦四十員額設八十員康熙二十二年每旗裁退五員實存今數

驍騎

校四十員 馬兵二千名步兵一千名康熙十三年添設戰馬二千匹

中軍副將一員額設遊擊隨順白旗爲左營左哨康熙十四年遊擊員缺改今制兼管左營

左營守備一員額設隨正藍旗爲左營右哨 右營遊擊一員額設隨順黃旗爲右營左哨

右營右備一員額設隨正白旗爲右營右哨 前營遊擊一員額設隨正黃旗爲前營左哨

前營守備一員額設隨正紅旗爲前營右哨 後營遊擊一員額設隨順藍旗爲後營左哨

後營守備一員額設隨順紅旗爲後營右哨 千總八員 把總十六員 馬戰兵四

百名步戰兵一千六百名守兵二千名戰馬四百匹官自備馬八十八匹 沙船二百隻內

有左右二路九十二隻號船一百隻內有左右二路二十八隻 捕舵繚舵手一千五百名

水手三千一百名

總督江南江西軍務部院軍門一員駐劄江寧府自順治二年設經略招撫內院大學士後改

總督轄江南河南江西三省六年改轄江南江西二省康熙元年裁揀江都御史歸併兼管十

三年轄江南一省二十一年復轄江南江西二省兼管操江 督標中軍副總兵一員順治

五年設立 中軍守備一員 左營遊擊一員順治五年設立 中軍守備一員

千總四員 把總八員 馬戰兵五百九十四名步戰兵一百七十九名守兵一千一百

七十名戰馬五百九十四匹官自備馬五十匹 渡馬淺船一十五隻

安慶營副將一員初設立總兵鎮守順治四年改設副將七年副將改移潛山操江撫院駐鎮

安慶康熙元年操江歸併總督將本營改設遊擊五年復今制統轄沿江遊奇瓜洲等營

中軍守備一員 右營守備一員 千總二員 把總四員 馬戰兵三十六名步

戰兵四百四十四名守兵四百八十名戰馬三十六匹 唬船二十七隻

遊兵營遊擊一員駐西梁山地方兼管和州含山縣城守初設立駐江寧新江口屬操撫標下

康熙元年操江事務歸併總督今循其制 中軍守備一員 千總二員 把總三員

馬戰兵二十七名步戰兵一百三十二名守兵六百九名戰馬二十七匹官自備馬二十四

唬船二十八隻

奇兵營遊擊一員初額設隨操撫赴皖防駐改爲太平右營順治十六年調赴瓜洲因寇警潰

散總督委官招徠復設康熙元年歸併總督今循其制

中軍守備一員

千總二員

把總三員

馬戰兵一十七名步戰兵一百四十二名守兵六百九名戰馬一十七匹官自

備馬一十四匹

號船二十三只

瓜洲營守備一員順治二年經制專防江北一帶水汛屬操撫標下康熙元年改設參將歸併

總督十一年裁去留左軍守備爲瓜洲城守今循其制

千總一員

把總二員

馬

戰兵三十八名步戰兵七十四名守兵二百七十二名戰馬三十八匹官自備馬一十四匹

號船八隻

總督漕運部院軍門一員駐劄淮安府

漕標中軍副將一員順治二年設立參將九年改

遊擊康熙九年定今制

中軍守備一員

石營遊擊一員順治二年設立

中軍守

備一員

千總四員

把總十員

馬戰兵七百九十名步戰兵五十一名守兵一千

二百五十五名戰馬七百九十四匹官自備馬五十四匹

宿遷後營遊擊一員順治五年設立

中軍守備一員

千總二員

把總四員

馬戰兵二百九十七名步戰兵一十八名守兵四百五十三名戰馬二百九十七匹官自備馬二十二匹

漕標提塘守備一員

巡撫江寧等處地方軍門一員駐劄蘇州府

撫標中軍遊擊一員順治四年設立中軍左

右營遊守各一員五年裁去左營歸併中軍康熙元年奉

旨巡撫停理軍務撫標官兵奉裁將中軍遊擊改爲蘇州城守營十三年奉

旨復設撫標官兵兼管左營

中軍守備一員

右營遊擊一員順治四年設立康熙元年奉

裁十三年復設

中軍守備一員

千總四員

把總八員

馬戰兵一百名步戰

兵四百名守兵五百名戰馬一百匹官自備馬四十四匹

督撫將軍提鎮提塘事務一員

蘇松等處舊設兵備各道有道標中軍今奉裁

巡撫安徽等處地方軍門一員駐劄安慶府提督操江康熙元年巡撫奉

旨不理軍務操江所屬十一營官兵併歸總督至十三年設立撫標

撫標中軍遊擊一員向屬

操標有太平左右二營康熙元年操標歸併總督至十三年設立撫標召募兵丁分爲左右二

營中軍兼管左營

中軍守備一員

右營遊擊一員

中軍守備一員

千總四

員

把總八員

馬戰兵一百五十名步戰兵六百名守兵七百五十名戰馬一百五十

匹官自備馬四十四匹

提塘一員

安徽等處舊設兵備各道有道標中軍今奉裁

江南全省等處地方提督一員駐劄松江府順治二年蘇州總鎮統兵駐守後因蘇鎮征粵移

提督駐守管理蘇松常鎮四府各營軍務康熙元年奉文管理江南全省提督事務十四年因

滇閩寇警添設提督一員管理上江七府營務駐劄安徽將全省提督改爲江寧提督管理下

江七府營務原駐松江十七年部議將安徽提督裁去復循舊制管理全省提督事務

提標中軍叅將一員初設立前中左右後五營順治四年標兵調往閩廣援勦暫設中左右三

營九年調中左二營往閩右營駐松管理城守十年海氛蠢動復添設水師中左右三營中左二營屬提督管理以右營屬蘇鎮管理後蘇鎮改爲崇明水師總兵遂將中左二營水師歸併崇明復設今制 中軍守備一員 左營遊擊一員 中軍守備一員 右營遊擊一員 中軍守備一員 前營遊擊一員 中軍守備一員 後營遊擊一員 中軍守備一員 松江城守遊擊一員 中軍守備一員 千總十二員 把總二十四員 馬戰兵一千四百七十九名步戰兵五百一十四名守兵三千一百九十三名戰馬一千四百七十九匹官自備馬一百三十四匹 唬快船八十三隻

江南掌印都司一員順治二年改京爲省設管轄通省六十四衛所設屯田都司同知一員查比屯糧設操捕都司僉書一員管理捕務設經歷都事各一員十二年裁屯操二司屯田事務歸併本司捕務悉併有司又裁都事斷事二官本司所轄江寧等二十六衛每衛設掌印守備一員督理屯運經徵黃快馬政苜蓿人丁新增等銀解交本司七年改解藩庫千總三四五員不等管屯徵糧十三年將無運衛分武德和陽豹韜鍾山上元左上元右江寧中秣陵英武廣

武十衛併入江寧左江寧右江寧前江寧後上元中上元前上元後江淮左江淮右石城鎮南江陰興武鷹揚廣洋橫海十六衛各設掌印守備一員督徵屯糧增協等銀每衛設管屯千總二員徵輸屯米解交戶部康熙四五年間解交本司移解糧鹽二道三十三幫每幫設千總二員更迭輓輸十三年間軍興浩繁將江寧等十六衛裁去衛屬錢糧併入州縣議留江寧上元江淮興武四衛督運三十三幫董理丁船事務十九年裁去江寧上元二衛止設江淮興武二衛其鳳廬淮揚等三十八衛所各設守備並守禦一員經徵屯折等項銀米麥豆解交江安藩司糧道鳳倉兵備千總二員更番領運十七年裁去懷遠壽州武平六安邳州高郵等六衛洪塘鹽城興化泰州通州吳淞江松江青村南匯等九所錢糧歸併各州縣徵輸運務歸併鳳陽淮安揚州金山等二十三衛所管理本司駐劄江寧府城職司糾率衛所守千各官今循其制經歷一員

防汛附

安慶府江防

皖城扼江楚之咽喉爲金陵之屏蔽馬當控制南岸小孤橫踞中流盜賊之出沒無常兵營之追剿互應舊日操江駐此今屬安徽撫院坐鎮題設副將一員其原額官兵一分左軍作城守一分右軍併李陽河分作江防以原李陽營守備領之仍統轄沿江遊兵奇兵瓜州等營其在懷寧桐城望江三縣邊臨大江沿江一帶施設汛地共二十五處咸有墩臺敵樓各汛地屬城守營每處撥兵防守

右軍派防南岸二十七處計程三百六十里所轄烽火磯馬當係彭澤縣地方 響水磯香

口烏石磯東流吉陽黃石磯高家嘴渡船口官場係東流縣地方 黃湓寶賽磯李陽河烏

沙夾中夾口水凍灣池口流波磯仙姑廟郭港海埂伍卑溝江心荷葉洲係貴池縣地方

大通洋山磯橫港係銅陵縣地方

右軍派防北岸二十九處計程三百八十里所轄毛湖洲喻家洲沙灣係彭澤縣地方 中

夾口黃家墩桃樹灘雷港卞家套江心蓮花洲路溝土嘴係望江縣地方 洲頭口光洲張

家港花園王宣夾口桑園前江溝鴨兒溝柘家灣係懷寧縣地方 鐵板洲三江口新開溝

殷家溝丘家埠武梁洲老洲頭六百丈下埠頭係桐城縣地方

以上水汛俱設立營房木

樓派防兵丁多寡不等

池州府江防

江北屬安慶

江之隸池者上自馬當下及繁昌之橫江約五百里緊對皖城非則李陽河池口流波磯丁家洲皆要地也獨以池論馬當之上有鱗魚嘴實池上流之門戶丁家洲之下有板子磯則池下流之鎖鑰也上自響水磯下至張灣潭汛防三十六處皆江之南岸其洲渚隸池之江防而汛兵則隸皖之協鎮統之者守備駐李陽河

太平府江防

江北屬和州

姑孰歷陽在前代極爲重鎮自蘇峻侯景韓擒虎楊行密皆由此以濟采石而明太祖亦自和州渡江以平集慶路險要可知今兵爭已息而荊苻竊發所在皆宜設防

遊兵營汛地南

岸自魯港起至新江口止北岸自蠓磯起下至芝麻河止中有采石和尚裕溪等口南通徽寧北達廬巢諸河設有本營額兵並船隻分防各汛

紫沙洲汛地下至本洲尾汛地二十五

里屬太廬池三府對江北鱗魚洲汎地

紫沙洲尾張灣潭汎地下至荻港汎地二十里對

江北鯉魚套老頭套汎地

荻港河口汎地下至板子磯汎地五里荻港營今裁對江北宋

家灣鯉魚套

板子磯汎地下至教化渡汎地二十里江中錦衣衛洲屬繁昌縣長三十里

洲頭爲三汶汎地洲尾爲楊家沙汎地洲中有教化渡汎趙家埠汎對江北泥汶套與龍河

三山楊家沙尾汎地下至螃蟹磯汎地四十五里對江北傅家灣石板洲

螃蟹磯汎地下

至魯港汎地十里對江牛門溝汎地

魯港磯汎地下至雙港汎地五里對江北惡江嘴

雙港汎地下至礐磯汎地十五里對江北蠓磯汎礐磯汎地下至四褐山汎地二十里對江中

路兵房田家港汎

四褐山汎地下至東梁山汎地二十里江心陳橋洲汎係裕溪分防乃

盜賊出沒處因四褐山磯頭水溜無風商船不能上行往往坐守故於此行刼刼後卽往此洲

潛匿對江北屬和州界裕溪汎

東梁山汎地大信河內通太平府下至采石磯汎地四十

里江心有鯽魚洲方圓八十餘里屬當塗縣立保里甲長江防官稽查對江係西梁山牛屯河

姆下河太陽河四處汎地西梁山與東梁山相對至針魚嘴五十里和州江防同知駐此

采石汛地下至思賢港汛地十五里內河通太平府寧國江心有九州盜賊行劫每從各洲潛匿江口有采石磯墩打石磯人頭磯采石有操江廠對江有新河口針魚嘴道士墩針魚嘴至芝麻河三十里芝麻河汛至奇兵營西江汛三十里 思賢港汛地下至和尚港汛地五里有啞口河慈姥山墩對江有牛路汛倪家墩 和尚港汛至江寧鎮四十里過和尚港至烈山汛屬江寧白廟遊奇分界此處江闊水急雖烈山中峙而盜賊每從江北徐府洲跨芝麻口燈籠嘴而來劫劫後隨往江北潛匿最宜防守 江寧鎮汛下至大勝關二十里對岸西江汛內通烏江至楊四廟汛三十里大勝關汛內通江南省南門及溧水等處下至新江口北河汛二十里大勝關新洲此處下自八字溝入上自黃家套穴字河出其中洲渚汊港極多每遇春夏江中水溜風急商船俱由洲裏上行因其水慢河窄故也賊船往往潛泊於此躍出劫財各口應設兵船防守

江寧府江防

江寧爲省會重地輻輳寥廓七省要樞設有重兵駐防援勦其奇兵營汛地開列於後

奇兵營江防汛地南岸上自江寧縣江寧河口汛起下至鎮江府丹徒縣高資港止計程二百四十四里有草鞋夾七里洲鱖魚廠草堂寺朱家嘴三江口柏家閘楊家溝螺螄溝天寧洲坎潭橋高資港等汛 北岸上自江浦縣響水套汛起下至揚州府儀真縣何家港汛止計程二百七十六里有北浦口浦口急水溝黃廠河新臺汛三套口段腰汛瓜埠東溝青山頭一戢港江口汛舊江口馬港瓜洲營河家港等汛 青山頭有黃天蕩此處江形獨闊兩岸相距四十里太子洲居江之中其間地形甚廣港汊甚雜村落甚衆水陸之盜每出於此昔爲宋金鏖戰處

鎮江府江防

京口地當南北之咽喉上自高資港汛起下至東馬頭止並金焦二山等處設有防兵因海寇入犯奉

旨添設鎮海大將軍統領水師官兵駐防又設左右二路總鎮水師綠旗官兵每路統轄左右二營康熙十一年將左路總兵官一員統領官兵移駐江陰右路總兵官一員統領官兵移駐瓜洲

左路左營駐防江陰所轄沿江汛鵝鼻嘴大石灣黃田港蕭山石牌石西石中石東巫山西嘴
新寧沙正興沙正興沙東五堡夏港孟濟新溝徐村申港蘆埠利港橫舟種九桃花港圩塘澡
港顧村魏村大河剩港小河黃山孟河各派兵防守 左路右營駐防靖江靖於常爲外邑

而捍江蔽海宜設重鎮舊屬江北漕撫節制狼山副總兵調度錢糧仍在常州府交領十七年
改屬鳳撫今屬江南京口左路水師所轄東汛自關港墩臺起至通州任蘆港臺接狼山營界
止共計程一百六十二里共設墩臺二十二座派兵防守西汛自天港墩起至西夾王墩泰興
縣界河止計程四十里共設墩臺十座派兵防守 右路左營駐防瓜洲所轄北岸汛地自

沙港起上接儀真縣奇兵營汛界爲商船停泊之地下接花園港乃通京漕艘運河之口有大
砲臺與京口對峙南北咽喉設有石岸城塞敵臺下至八港港口直通芒稻河竹木簞甲俱由
本港進入內河下至三江口居民稠密洲渚叢雜與圖山對峙向設三山營官兵防守隸操江
標營今屬本營把總防守下至復業新洲嘶馬鎮以上俱屬江都縣地方下至口岸洲民濟渡
總匯居民稠密下接黃家港與江陰對峙水面汪洋濟渡總口直通內河泰靖等縣向設周橋

營官兵防守隸狼鎮標營今屬本營守備防守以下至界河口汛與左路右營靖江縣分界以上俱屬泰興縣

右路右營仍駐鎮江所轄南岸汛地自洪信港起上接奇兵營汛界下接樂亭港錢家港皆係商船停泊之所金山城寨在於江心與鐘灣相對玉山頭汛地與瓜洲對峙南北咽喉風濤險汛下接運河口汛地乃通京轉運漕糧江河總口下接小開口東馬頭汛地與焦山相對此處一應篷桅船隻不許赴界下行下接丹徒港諫壁港汛地居民稠密洲渚叢雜形勢險要下接大港圖山關與三江口對峙向設圖山營隸操江標營接南砲臺山北港今屬本營千總防守下而郭家港至匡家橋止以上俱係丹徒縣所轄地方下接太平港此處江面遼闊洲渚叢雜下至界港汛地止係丹陽縣所轄地方與左路左營接界

京口鎮海

旗營原設沙唬船共三百隻內有左右二路各船六十隻共一百二十隻康熙十一年間總督部院麻勒吉題爲請移水師一案將兩路船以三十隻留天寧洲聽兩路選撥將兵隨旗操演以三十隻分防江汛又撥靖江等營小吧唬船二十二隻以四隻發左路左營以四隻發左路右營以八隻發右路左營以六隻發右路右營爲江汛巡遊之用康熙十三年鎮海將軍王之

鼎題爲密陳隄備機宜等事將兩路船隻以九十八隻調泊天寧洲量撥二十二隻與左右二路巡防迨康熙二十一年經部文將京口兩路四營歸併督提管轄於康熙二十二年間鎮海將軍楊鳳翔題准部覆將兩路官兵歸督提管轄船隻仍照前旗下官兵看守奉有

俞旨

常州府江防

孟河營東去五十里至桃花港西去五里至丹陽界港南去四十里至羅墅灣北去三里至河
河港卽大江四止汛地共一百四十五里內有汛地九處本營官兵駐防其孟河港口最稱險
要順治十一年行文釘塞康熙十一年將江汛事宜改歸左路水師營管領設兵防汛 江
陰縣見係左路總兵同左營駐防其防地分轄詳上左路右營 靖江縣在江北見係左路
右營駐防其防地分轄詳上左路右營 楊舍營堡城二座明嘉靖戊午年造

皇清康熙元年以澱瀆港爲吃緊咽喉添設砲臺以防叵測八年開復沙洲添駕馬橋烟墩派兵瞭
守所轄有澱瀆港范港泗港善港蔡港凡五處界接如臯靖江江陰常熟四縣